



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### კავკასიური კამენი



კავკასიური კამენი

კავკასიური კამენი, ინდური, ანუ მდინარის შინაური კამენების ჯგუფის სარძეო-სახორცე მიმართულების ჯიში. გავრცელებულია საქართველოში, სომხეთში, აზერბაიჯანსა და დაღესტანში. კურო კამენის ცოცხალი მასაა 650–780 კგ, ფურკამენის – 400–550 კგ, ახალშობილი ზაქის – 28–32 კგ; წლიური ლაქტაციური მონაწველი – 1400–1600 კგ, უდიდესი – 3500 კგ-მდე. რძეში 8–9% ცხიმი და 4% ცილაა. კ. კ-ის

რძისაგან ამზადებენ მაღალხარისხოვან პროდუქტებს: კარაქს (100 კგ რძიდან ლებულობენ 7,1 კგ), ყველსა და მანონს. ხორცი მუქი წითელია, ქონი კი – მკრთალი თეთრი ფერის. კ. კ. კარგად იმატებს როგორც საიალალო, ისე ინტენს. სუქებისას (დღელამური ნამატი 1,1 კგ). ნაკლავის გამოსავლიანობა – 45–52%, ტყავი სქელია (0,6– 0,9 მმ) და მძიმე (25–50 კგ), მისი გამოსავალი 6,5–8,5%-ს შეადგენს, იყენებენ ფეხსაცმლის ლანჩად.

ლიტ.: გოგოლი გ., ხატიაშვილი გ., მაჭარაშვილი გ., ტაბატაძე ლ., მეკამენეობა, თბ., 2012.

**გ. გოგოლი**

**ლ. სააკოვა**

---